

## Колхозлэн председателез

Сельской хозяйствеоз коллективизировать карон почна нюр'яськонын паськыт вълмизы советской крестьянство-лэн творческой способностьюсыз. Сю сюрс'ёсын батрак'ёс, куанер но шорокуспо ульсь крестьян'ёс колхоз'есты кылдытон сюрес вылэ султйзы. Та выль хозяйствеоз юнматон ужын сюлмысь ужаса будйзы артельной хозяйствен синмаськымон кивалт'ясыёс.

Колхоз'ёс кылдэм бере солэн хозяйственыз кивалтон луиз секут но разносторонней. Соин ик, чтобы справиться карыны пёртэмесь уж'ёсын— колхозлэн руководителез обязан луэ нуналмысь бюджетны но паськытатыны аслэстыз тодонлыксы. Со понна солы кулэ дышетскыны.

Политической передовой, родиналэн интерес'ёсызлы преданной, производстоын инициативной организатор, расчетливой но предусмотрительной хозяйин, калык'ёсты сюлмысь воспитать харись— сыч'еесь основной качествоос, куд'ёсыныз обладать карыны кулэ котькуд колхозлэн председателезлы. Только сыч'е колхоз председатель быгатоз пользоваться карыны авторитэтэн вань колхозник'ёс но колхозницаос азын.

Колхозлэн улонэз трос зависеть каре солэсь, кин соин кивалтэ. Если правлений во главе сылэ инициативной ужас, кудйз туртске артельной хозяйство понна, заботит'ся каре государстволэн интерес'ёсыз сярысь, тырше возманы но бюджетны общественной ваньбурез—тач'е колхозын уж'ёс мыно умой. Нош если колхоз возглавлять каре адымиен, кудйз ужа большевистской страстьтэк, нокыч'е инициативатэк—сыч'е колхоз котьку ик пёртэмесь уж'ёсын бере кыле. Кулэз'я аслэстыз инициативазэ возматаны быгатоз сыч'е руководитель, кудйз умой тодэ аслэстыз колхоззэ но сотысь калыксэ.

Тани привести каром пример, кыч'е бад'зым инты басьтэ колхоз председателезлэн кема ар'ёс чоже ольг интыын ужамзы. Горбашевской сельсоветысь, Сталинлэн нимыныз нимама колхозэн кивалтэ Филипп Моисеевич Ушаков эш. Ушаков эш аслэстыз ужзэ образцово пуктйз. Колхозник'ёс но колхозницаос пöлын со заслуженной авторитэтэн пользоваться каре.

Солэн кивалтэм улсаз колхозник'ёс зажиточно улыны кутскизы. Еловской сельсоветысь Кировлэн нимыныз нимама колхозэн трос ар'ёс чоже кивалтэ ни К. В. Лапин эш. Та колхозын котькыч'е уж'ёс по-большевистски быдэс'ясыко.

Колхозлэн председателезлэн ролез эшшо но трослы жутске на партилэн но правительстволэн „Сельскохозяйственной пролукт'ёсты дасян но басьтон политикаын вш'тйськон'ёс сярысь“ постановленизы потэм бере. Та постановление обязывать каревань колхоз'ёслэсь председателезсыс азыланьын эшшо но кужмо ужаны.

Удмуртской АССР-лэн Совнаркомезлэн но ВКП(б)-лэн обкомезлэн бюроезлэн берло решениенызы колхоз'ёслэн председателезсылы трудодень гож'яны но коньдон басьтыны та'че порядок тупатэмын: колхозын кизено муз'емзы 100 гектар ке—35 трудодень котькуд толэзе, сюисен 200 гаозь—45 трудодень, 200 гаысен 400 гаозь—50 трудодень, 401 гаысен 500 гаозь—55 трудодень, 501 гаысен 700 гаозь 60 трудодень, 701 гаысен 1000 гаозь—70 трудодень, 1001 гаысен 1500 га яке солэсь трос кизен муз'емзы вань ке, соослы 90 трудодень котькуд толэзе. Со сяна дополнительной трудодень гож'тылйське на соослэн ужам стажызы толэзылы тупатэм трудоденьёсыя.

Колхоз председателез, куд'ёсыз ужало ни 3 ар, соос басьто 5 процент, нылетй арзэ ужасьёс—10 процент, 5 ар но тросгес ужасьёс басьто 15 процент. Колхозлэн председателезсылы коньдон тырон тупатйське колхозник'ёслэн общей собранияенызы, колхозлэн сметаз укчем условнос'я. Если колхозлэн доходз луэ 10 сюрс манет, то колхозлэн председателез басьтыны быгатэ 25 манетозь, 10 сюрсысен 25 сюрсозь доход'я—30 манетозь, 25 сюрсысен 50 сюрс манетозь—70 манетозь, 50 сюрс манетысен 100 сюрс манетозь доход'я—100 манетозь но 100 сюрс манет но солэсь вылтй доход'я—150 манетозь.

Колхоз'ёслэн председателезсылы, вооружаться каре партилэн но правительстволэн исторической решениосынызы, нуналмысь тырше юнматыны колхоз'ёсты, туртске соосты азымынйсь рад'ёсы поттыны.

Горькийлэн нимыныз нимама колхоз - миллионерлэн (Архангельской район, Башкирской АССР) вань 4 животноводческой фермаез (878 йыр бад'зым суро пудоосыз, 249 парсьёсыз, 340 вал'ёсыз, 293 ыж'ёсыз) аслаз электростанциез, звуковой киноустановкаен клубез, вукоез, лесопильной заводз, хата-лабораториез. Колхоз наградить каремын нырысетй степенё дипломен. 1939 арын ВСХВ-ын участвовать каризы 29 мурт, туэ арын—36 мурт, соос пöлысь 23 скал кысысьёс.



Скал кысысь орденосец А. Ф. Дуч наградить каремын бад'зым азвесь медален, „Цера“ рекордистка скалэн. Дуч эш, солы юнматэм 8 скал'ёслэсь, шорпыдын вераса, 4100 литр йёл кысконэз добиться кариз.

## Всесоюзной сельскохозяйственной выставкае 4 миллион мурт ветлйз ни

Всесоюзной сельскохозяйственной выставкае ялан трос калык ветлэ. Сентябре но отын гужем кадь ик калык трос. Пилемо нунал'ёсы но выставкае 25—30 сюрс мурт ныра, нош кылем арня нуналэ отчы ог 70 сюрс мурт ветлйз.

Выставкаез учкыны 4 толэзь куспын 4 миллион мурт пыраз ни. Туж трос лыд'ем отзыв'ёсазы посетительёс пус'ё, что выставка соосты социалистической сельской хозяйстволэн азинскем'ёсыныз, стахановской амал'ёсын ужанэн тодматэм сяна, озы ик тырмыт зеч возматйз Советской Союзлэн республикаосызлэсь бад'зымесь узырлык'ёссэс.

Сентябрьской нунал'ёсы выставка эшшо но чебер луиз. Павильон'ёсы вуизы 1940 арлэн урожайысьтыз выль

экспонат'ёс. Под'ез'ёс доры дугдыло емыш'ёсын, бакча сион'ёсын, виноградэн, арбуз'ёсын, дыняосын тырмыт'ям грузовик'ёс. Экспонат'ёсын уката ик узырьсь Узбекской ССР-лэн, Грузилэн, Азербайджанлэн, Туркменилэн, Украиналэн, Северной Кавказлэн но Крымлэн павильон'ёсы.

Московской, Рязанской, Тульской областьёслэн павильоназы пёртэм бакча сион'ёс, картофка гурезь быдз'яесь люк'ёсы люкамын. Москва дорысь М. Горькийлэн нимыныз нимама совхоз 36 килограмм секталаен тыква ыстйз, „Красная Пойма“ совхоз жыны пуд кысысь пудо сюдон кушман ваиз.

Виль экспонат'ёс возматом странаысьтымы колхоз'ёслэсь но совхоз'ёслэсь туэ арын туж зеч урожай басьтэмзэс. (ТАСС).

## В. М. Молотов эш принять кариз Данилэсь общественной уж'ёс'я министрзэ г-н Г. Ларсенэз

18 сентябре СССР-лэн Совнаркомезлэн Председателез но иностранной уж'ёс'я Народной Комиссарез В. М. Молотов эш принять кариз Данилэсь общественной уж'ёс'я министрзэ г-н Г. Ларсенэз. Отын присутствовать кариз датской посланик г-н Болт-Иоргенсен.

**Германской ивортон'ес**  
 Берлин, Германской арми-  
 лэн верховной командовани-  
 ез ивортэ: „18 сентябре по-  
 тон уй германской авиация  
 Лондон вылэ нош ик трос  
 налет'ес лэстылыз. Трос бом-  
 баос куштэмын вал Лондон-  
 лэн западной люкетэз вылэ,  
 Викторийс док'ес вылэ, во-  
 донапорной башняос но газо-  
 вой завод'ес, вокзал'ес но  
 война ласянь мукет важной  
 объект'ес вылэ. Котыкытын ик  
 бадзымесь тылпуос потйзы.  
 Собрере налет'ес лэстылэмын  
 вал Кройдоныс аэропорт вы-  
 лэ, озы ик Англилэн юго-  
 восточной побережьиыстыз  
 важной военной объект'ес но  
 аэродром'ес вылэ. Бадзымесь  
 из'ян'ес лэстымын Ливерпуль-  
 лэн районьсытыз авиационной  
 завод'еслы. Шотландиысь  
 бадзым порт Глазго озы ик  
 бомбардировать каремын вал.  
 Ирландилэн север палаз зол  
 сөремын 5 сюрс тонна тон-  
 наж'ем английской пароход.

18 сентябре потон уй не-  
 приятельской самолет'ес на-  
 лет'ес лэстызы северной но  
 западной Германия вылэ. Бом-  
 бардировать каризы соос ка-  
 лык улон зонаез. Көня ке  
 дом'ес сөремын. Противниклэн  
 укмыс самолет'есызы быризы,  
 нош асьмелэн нывлэз.

**Берлин, Журналистской**  
 круг'есын вераськем'ессыя та  
 берло нунал'есы германской  
 самолет'ес Англия вылэ туж  
 секытэсь бомбаос куязы. Соос  
 1500 килограммлэсь но секы-  
 тэсь вал.

**Английской ивортон'ес**  
 Лондон, Официально иворт-  
 тэмзыя, толон южной побе-  
 режьелэн трос пункт'есаз  
 бомбаос куямын ке но вал,  
 из'ян бадзым луэмын өвёл.  
 Лондонлэн юго-западной лю-  
 кетаз гинэ бырыны но сөсыр-

мыны шелем'ес вань. Бом-  
 бардировка бере Портсмутысь  
 көня ке зданиос куашкатэмын.  
 Нуназе германской самолет'  
 ёслэн бадзымесь спединениос-  
 сы Лондон вылэ мыныны  
 туртскизы. Соос туж жог ул-  
 лэмын вал.

Кент, Сассекс, Сэррей граф-  
 ствоос но Темза шурлэн усё-  
 нэз вальсын 200 германской  
 самолет'есын омырын жугись-  
 кон'ес ортчизы.

18 сентябре потон уй гер-  
 манской самолет'ес нош трос  
 налет'ес лэстылызы Лондон  
 вылэ. Трос улон дом'ес куаш-  
 катэмын. Көня ке из'ян лэст-  
 тэмын промышленной но тор-  
 говой предприятияослы, со пö-  
 лын ик центральной люке-  
 тысьтыз бадзымесь магазин'  
 ёслы. Калык пöлысь бырыны  
 шелем'еслэн лыдзы азыло уй-  
 ёсы сярысь трос шуыса чак-  
 лало. Англилэн одйг городьсы-  
 тыз трос зданиос куашкатэ-  
 мын. Бырыны но сөсырмыны  
 шелем'ес вань. Көня ке гер-  
 манской самолет'ес, Глазголэн  
 районаз бомбаос кушгыса,  
 промышленной предприятияос-  
 лы көня ке из'ян лэстызы.  
 Куд-ог сведениос'я страналэн  
 мукет район'есаз из'ян бад-  
 зым өвёл луэмын.

Лондон, Рейтер агентство  
 лэн ивортэмез'я 16 но 17 сен-  
 тябре английской авиация на-  
 лет'ес лэстылыз французской  
 но голландской побережьиысь  
 данак пункт'ес вылэ. Отчы  
 трос баржаос люкаськемын  
 вал.

17 сентябре уйин асьмелэн  
 самолет'есмы паськыт развёл  
 лэстызы. Соос эскериы  
 германской морской флотысь  
 сылон интыоссэ. Английской  
 авиацилэн действоосыныз но  
 сильтöлэн сэрэн противник  
 сылон интыоссэ вöш'яно луэ.

(ТАСС).

**Хулиган**

СУД

Пудемысь „Металлург“ ар-  
 тельын ужась Голубев Алек-  
 сандр Александрович 19 сен-  
 тябре кудзыса райклубе мы-  
 нэм. Аслаз кужымезлы оске-  
 меныз клубе лыктэм калыкез  
 пöртэмесь култэм кыл'есын  
 даллашиз. Хулиганить каре-  
 мысь дугдыны косысь мурт'  
 ёслы, Голубев озы ик кулэ-  
 тэм кыл'есын ответ сётылыз.

Постансвка кутскем бере  
 Голубев клубе пыриз. Татын  
 со эшшо но кужмо хулиганить  
 карыны кутскиз. Поста-  
 новкае лыктэм К. гражданин-  
 лы мыжгиз.

Голубевлэн общественной  
 интыын хулиганить карем  
 понназ милиция сое задержать  
 кариз но, материал оформить  
 карыса калык судэ сётиз.

20 сентябре Голубевлэсь  
 ужэз Пудемысь калык суд  
 эскертйз но, сое одйг ар чөже

тюрьмаын пукыны пригово-  
 рить кариз.

„Металлург“ артельлэн про-  
 ходаз ужась сторож  
 Прозоров Юрий Михайлович  
 15 сентябре ужаны потыса,  
 аслэстыз ужэз честно но до-  
 бросовестно быдэстон интые,  
 сьод уж'есгы быдэстыны кут-  
 скем.

„Спартак“ обществолэн скла-  
 дэзлэн замокезлы ус'тон тупа-  
 тыса, складэ пырем но, отысь  
 одйг боевой пычал но 100  
 патрон лушкам.

Та сярысь Пудемской райо-  
 нысь милиция следствие нуиз  
 но, Прозоровлэсь лушкам пы-  
 чалзэ но патрон'ессэ шедьты-  
 са талаз.

Огнестрельной оружиез луш-  
 кам понна, Прозоров Юрий  
 Михайлович арестовать к ре-  
 мын. Жоген со калык суд азе  
 султоз. **Перевощиков.**

ВКП(б)-лэн Удмуртской Об-  
 комез та нунал'есын эскериз  
 предприятияосын подсобной  
 хозяйствоос кылдытон сярысь  
 вопросэз. Партилась райком'  
 ёссэ но горком'ессэ Обком  
 косйз паськыт обсудить кары-  
 ны Глуховской текстильной  
 комбинатысь рабочийёслэсь,  
 инженерно-технической работ-  
 ник'еслэсь но служащийёслэсь  
 предприятияосын подсобной  
 хозяйствоос кылдытон сярысь  
 вазиськемзэс.

Ижевской машиностроитель-  
 ной но металлургической за-  
 вод'еслэн директор'ессылы

Новиков но Остроушко эш'-  
 ёслы но Воткинской машино-  
 строительной заводлэн дирек-  
 торезлы Фирсов эшлы косэ-  
 мын завод'есын подсобной  
 хозяйствоос кылдытон сярысь  
 15 октябрьозь практической  
 ужрад'ес пусйыны.

Удмуртской АССР-лэн Сов-  
 наркомезлэн председателезлы  
 Тронин эшлы поручить каре-  
 мын подсобной хозяйствоос  
 кылдытон план'ёсты 15 октя-  
 брьозь эскерыны, муз'ем учас-  
 ток'ес вис'янын но пудо бась-  
 тонын предприятияослы юрт-  
 тэт сётыны.

**Партийной кабинетын**

ВКП(б)-лэн Пудемской рай-  
 комезлэн парткабинетэз ужа  
 нуналлы быдэ, шудэтскон ну-  
 налэ сяна, нуназе 9 часысен  
 1 часозь, жытазе 5 часысен  
 9 часозь.

Татын луыло ВКП(б)-лэсь  
 историэз изучать карон'я бесе-  
 даос но консультациос. Луэ  
 самостоятельно изучать кары-

ны ВКП(б)-лэсь историэз пер-  
 воисточник'ес'я но консуль-  
 тационной материал'ес'я, да-  
 сяськыны общественно поли-  
 тической темаос'я лекциос-  
 лы, доклад'еслы но беседаос-  
 лы.

Парткабинетлэн заведую-  
 шоез А. ЛЕКОМЦЕВ

**Милем гошто**

Чабыровской сельсоветысь,  
 „Новый труд“ колхозлэн пред-  
 седателез А. В. Наумов, стар-  
 шой конюх П. А. Семакин но  
 первичной парторганизацилэн  
 парторгеz А. А. Семакин тыр-  
 мытэсь условиоссы вань дыр'я

гожтыськем заёмзылы взнос-  
 сэс уг тыро. Та ужез мар му-  
 ген соос жегато асьсэос но  
 умой-умой уг тодо.

Семакин Афанасий кылем  
 арын но 10 манет взносэз ты-  
 рытэк кельтиз. **МАКСИМОВ.**

Чабыровской сельсоветысь,  
 „1 май“ колхозлэн председа-  
 телез Марьин но счетоводзэ  
 Марьина эш'ес асьсэлэсь ужзэс  
 ас эрказ лэзизы. Колхозлэн  
 председателез Марьин эш

колхозной производное вет-  
 лимтэныз колхозник'еслэсь  
 ужамзэс чик уг тодылы. Нош  
 счетовод Марьина колхозысь  
 учетэз но отчетностез копак  
 сураз. **МАРЬИН.**



— „Марлы со кочыш Васька нырзэ жугыса ветлэ?  
 — Нош кызы сыре? Вель со колхозлэсь кенсы кись-  
 кам ю-нянэзэ возьманын тросгес ужаз, чем Чабыровской  
 сельсоветысь „1 Май“ колхозлэн быдэс правлениез...

**Редакциялэсь**

18 августэ потэм „Горд  
 знамя“ газетын „Производ-  
 ствоын чыры пыры лушкась-  
 кон'ес понна но хулиганство  
 понна ответственность сярысь“  
 СССР-лэн Верховной Советэз-  
 лэн Президиумезлэсь Указзэ  
 редакция зуч кылысь удмурт  
 кылэ умойтэм берыктыса сё-  
 тйз.

караться карисько одйг арлы  
 тюремной заключениен...

Отв. редактор П. МАЛЫХ.

**Я Л О Н**

25 сентябре 7 часэ жытазе  
 ВКП(б) райкомлэн парткаби-  
 нетаз „Асьмелэн странама  
 кемалась дыре“ темаен плат-  
 ной лекция луоз. Лекция лыд-  
 зоз Туголуков эш.

Лекцие лыктыны понна би-  
 лет'еслэн дунзы одйг манет,  
 куд'ессэ басьтыны луоно парт-  
 кабинетын но котыкуд учреж-  
 дениын. **Парткабинет.**